



UNIVERSITÄTS-  
BIBLIOTHEK  
PADERBORN

**Chronicon Monasterii Bödecensis Ordinis Canonic. Regul.  
S. Augustini in Diœcesi Paderbornensi**

**Probus, Johannes**

**Monachij, 1731**

**VD18 12260568**

Caput XLI. De ejus Spirituali devotione in Divino Officio.

---

[urn:nbn:de:hbz:466:1-64645](https://nbn-resolving.de/urn:nbn:de:hbz:466:1-64645)

in effectum duceretur, viriliter eam persequebatur: hanc ut agnosceret, dum in Missis Dominum DEUM quotidie in suis manibus tenebat, dummodo non omnino indispositus ad hoc erat, humiliiter ei supplicans petivit, ut in hoc vel illo voluntatem ejus notam sibi faceret, & ob hoc interdum de manibus suis eundem non dimisit, nisi benedictionem super ejus agnoscenda voluntate recipere mereretur, velut S. Jacob cum Angelo luctans non dimisit eum, nisi prius benedictus ab eodem. Ordinavit denique rememoratus Pater & instituit, ne Fratres ejus diebus celebris, & festis per totum antemeridiem usque dum prandium meridianum factum fuerat, in publico extra cellas, sine vestimento nuptiali, videlicet sine cappis aut superpelliceis, secundum quod tempus sese offerebat, incedere deberent quovis modo, quod statutum in propria sua Persona observabat, ut autem de praedi<sup>ti</sup> Patris ulteriore devotione aliquid presentibus annotetur, noscant universi praesentiarum perlectores, quod iste Venerabilis Pater antequam temporalium curâ propter subditorum paucitatem minus premebatur, cum Conventu Chorum continuè frequentabat; dicebat namque, quod nullibiliterius esset super terram, quam in Divino Officio peragendo, ubi internum suum hominem saepius dispersum in diversa recolligeret.

## C A P U T X L I .

*De ejus Spirituali devotione in Divino Officio.*

**Q**uamplurimi adhuc de nostris sunt, quibus ejus fervor & devotion, quam non solum in Choro sed & alijs in locis gessit, fuerunt manifesta, nam quemadmodum S. David præ exultatione mentis saltaverat ante Arcam, ita iste devotus Pater pro singulari devotione, & fervore in suo stallo ante benedictum Jesum omnium Salvatorém elevationes quasdam sui corporis saepius faciens tripudiare videbatur, & quodammodo saltus facere, quapropter quia fatis ipsi familiaris eram, quadam vice eundem interrogavi dicens in hunc modum: *Pater cur sic saltando statis in Choro?* & mihi respondens ait: *Frater latitia cordis mei ita tripudio, ob ipfus formam, que ante*

*ante me est posita.* Ego verò lātum ejus responsum audiens loquebar ei in hæc verba : *Utinam & nos omnes tales saltatores essemus.* Et quia idem Pater internè devotus erat, idcirco omni tempore & loco, & maximè in Divino Officio strepitum facere non volebat, noluitque quòd aliquis tam de familiaribus, quam alijs Ecclesiam cum calope-  
dibus intraret.

## C A P U T X L I I .

*Voluit etiam Divinum Officium absque confusione fieri,  
& cum fervore.*

**M**Ultùm etiam ad hoc afficiebatur, ut Divinum Officium cum fervore & alacritate absque confusione perficeretur, & idcirco imposuit Magistro Novitiorum, ut saltem interdum cum junioribus Fratribus ad locum Capitularem vel Sacristiam in unum congregatis Officium Dominicale Sabbato præcedente percantaret. Ubi idem Venerabilis Pater etiam aliquando se præsentem fecit, & inter simul cantantes Fratres stans mensuratè cum iisdem percantavit. Cum verò dissontiam aliquam animadvertisit inter illos, statim accedens cantum ad debitum melodiarum sonum illos docebat, omnia etiam impedimenta, quæ in Choro recollectionem mentis ejus impedire potuerunt, reiici fecit, & ideo quia Choralis lampadis splendor ejus obtutum impedivit, ut sublimiorem locum sortiretur, ordinavit. Sic & lucernis nocturnalibus ob prædictam causam umbraculum apponi jussit, ne visus cuiuscunque Fratris tantis in opposito ardentes lucernæ splendoribus quovis modo impediretur. Prædictus etiam Pater in Choro stans, quando infra Missam in Symbolo cantabatur : *Sanctam Ecclesiam Catholicam* sese ad hanc verborum prolationem reverenter inclinavit, quòd si in Missa Conventuali post Elevationem Venerabilis Sacramenti, quando præcipue Fratres tenore Statutorum recolere debent beneficia nostri Redemptoris, aut etiam temporibus Benedictionis cerei Paschalis & Ramorum, vel dum alia in Divino Officio fiebant, quibus specialiter advertendum fuerat, vidisset aliquem ex Fratribus cum libellis suis ibidem occupari, statim in tubali voce per ipsum